

菩薩本生鬘論卷第四

聖 勇 善 薩 等 造

宋朝散大夫試鴻臚少卿同譯經梵才大師紹德慧詢等奉詔譯

如來具智不嫉他善緣起第十

爾時世尊與諸弟子大比丘衆遊化依止王

舍大城是時如來從座而起步躡虛空現希  
有事足下顯出千輻輪相一輻間復出八  
萬四千衆寶蓮華一一華出八萬四千微妙  
鬚葉次第莊嚴徧覆十方無量世界是諸華  
上各有無量微妙數佛足下皆現千輻輪文

是時會中淨飯父王見是事已心大歡喜五

體投地向佛作禮即時證得阿那含果時諸  
大眾覩佛神變咸共合掌白言世尊我等今  
者所見十方無數諸佛諦觀察已不能了知  
何者真佛何者化佛時彼如來以大悲心愍

念衆會即語之曰諸佛如來入空寂處解脫  
三昧隨意自在真化之相召自汝心所以者  
何佛心本來湛然空寂復依解脫光明王定  
由此定力化無邊身無邊身者是薩婆若薩  
婆若者名無著定無著定者如來所行或現  
乞食或復經行以是二法饒益衆生又佛在  
世有善男子及善女人得見佛步千輻輪相  
深心作禮供養稱讚能滅千劫極重惡業若  
佛滅後四部弟子住於正受想佛行步恭敬  
供養亦能銷滅千劫之罪設不想念或覩佛  
跡及行像者隨分供養生隨喜心所獲福報  
不可窮盡佛告阿難我自往昔曠大劫來以  
淨信心恭敬一切見彼所修殊勝妙行常生  
稱讚使令增益乃至微細一毫之福未嘗起  
心而嫉他善是故我今獲斯勝報復次阿難

我滅度後若諸弟子欲造佛像當令身相具足圓滿現攝身光化佛圍繞及繪足下千幅輪文使未來世一切衆生覩是相已獲得廣大吉祥如意積集重障消滅無餘汝等比丘當勤思惟如理而作佛說是已還復本座時

淨飯王即從座起白言世尊今佛出世有何利事能令衆生得安隱樂是時如來即語父王舍衛城中須達長者有一老母名毗低羅勤謹家業常所信用出納取與一切委之忽於一日長者請佛及諸比丘就舍供養有病比丘多所求索老母憚惜而生瞋恚意不欲與而作是言我大長者受沙門術彼諸乞士多求無厭何道之有復發惡言何時當得不聞佛名不聞法名不見剃髮染衣之人如是惡聲一人聞已展轉傳之偏舍衛城是時王

后末利夫人聞是毀皆深生歎訝云何須達仁惠周普如好蓮華人所樂見返爲毒蛇之所守護作是說已乃勑長者遣汝婦來吾欲與語婦到命坐即謂之曰汝家老婢常以惡言毀謗三寶乃至名字願不欲聞何不擯斥

不亦快哉時長者婦白夫人言佛日出世破除癡暗多所潤益一切衆生央掘摩羅大惡之人殺害千人取指爲鬘佛能調伏令發道心此一老婢何足勞慮夫人聞說心大歡喜我當請佛及比丘衆嚴飾宮中明日供養汝遣婢來斯可驗矣是時長者即以寶餅盛滿諸珍摩尼珠等使婢齋獻助興供養末利夫人遙見婢來此邪見人當蒙佛化若見此人從佛化者我必獲得廣大法利爾時如來從正門入難陀在左阿難居右羅睺羅等從佛

之後老母見佛心驚毛聳即時欲退從狗竇出老母以扇而自掩面佛在其前令扇如鏡迴顧東視東方有佛乃至徧觀南西北方四維上下皆悉有佛以手覆面於十指間皆有化佛老母合目開眼還見滿十方界皆是化佛現此相時舍衛城中有二十五旃陀羅女五十異見婆羅門女并餘種類五百女人先著邪宗不信佛法見於如來爲彼老母足步虛空現無數身心大歡喜裂邪見網頭面頂禮佛世尊足爾時世尊以梵音聲謂諸女言汝今可稱我之名字南無釋迦牟尼佛南無釋迦牟尼佛由稱我名觀我身相即得解脫八十億劫生死之罪令發阿耨多羅三藐三菩提心時彼老母暫得見佛疾走還舍白大家言我於今日遇斯惡對沙門瞿曇在王宮

門多衆之前現諸妖術身如金山目踰青蓮有百億光不可具狀沙門善幻世間無比大家少年不可喜見作是說已入木籠中多以牛皮而覆其上於黑暗處潛避而卧時佛世尊欲旋精舍末利夫人前白佛言暫屈慈光攝化老母佛言彼人罪根深重於我無緣與羅睺羅曩爲善友今日如來乘空而行爲其滅除多劫重障乃還祇園召羅睺羅汝詣須達優婆塞舍度彼老母諸大弟子千二百人咸生隨喜願同往詣爾時尊者羅睺羅承佛威神入如意定禮佛畢已右遶七匝即自變身作轉輪王一千比丘化爲千子七寶四兵皆悉具足時金輪寶乘蓮華臺詣須達家空中而住時彼守宅夜叉靈祇高聲唱言聖王出世擯諸惡人宣揚善法老母聞已心大歡

喜聖王出現餘無所求有如意珠願今獲得  
是時聖王乘大寶輦椎鐘擊鼓至長者家老  
母聞已從木籠出頭面作禮讚其功德今遇  
聖王善法攝化必當不爲沙門所惑王即乃  
遣主寶藏臣往彼女所語言姊妹汝有宿福  
應王者瑞今欲尊奉爲玉女寶老母答言我  
身卑賤猶如糞穢蒙王暫問喜慶無限何當  
堪任爲玉女寶爾時聖王告須達言卿家老  
女衆相具足吾今欲以充玉女寶長者對曰  
唯命是從老婢聞之喜不自己王以珠寶令

大衆悲泣而言佛法清淨不捨衆生如我弊  
惡猶尚見度悔過自責懺滌前咎求受五戒  
時彼尊者爲說三歸及五戒法老女領解心  
安泰然未舉頭頃證須陀洹果地神湧出告  
須達言善哉長者裂邪見網如來出世正爲  
此耳時羅睺羅將此老母詣祇陀林到已見  
佛歡喜作禮懺悔發露願依佛教而得出家  
佛勅往詣憍曇彌所精進修習未嘗懈廢如  
好白疊易爲染色應時證得阿羅漢道十二  
佛爲病比丘灌頂獲安縁起第十一

爾時世尊住王舍城竹林精舍有一比丘身  
患惡瘡形體周徧膿血交流衆所惡見人不  
親近移置踈弊低小房下世尊知已即以神  
力蔽諸大衆令無知者如來獨往病比丘所  
善言慰喻須水洗之時帝釋天主與諸天子  
伏其心是時尊者乃復本身老女開悟見諸

在善法堂評議政事佛以威神加被令知即以無量百千眷屬作天妓樂前後圍繞從空而下來詣佛所問訊慰勞頭面禮足手持衆寶所成澡餅貯滿香水奉迎世尊佇立一面爾時如來即舒百福相莊嚴臂於五指端放大光明遠召諸天皆悉雲集及於頂門復放淨光照病比丘蒙光觸身所苦即愈瘡潰膿血悉得清淨合掌歸命求哀發露願佛慈愍滅我重罪時天帝釋以前寶餅長跪奉獻世尊受已右手注水灌比丘頂復以左手按摩其身時病比丘所染沉瘵隨如來手即得平復得平復已歡喜無量志心稱念南無釋迦牟尼南無大慈悲父南無最勝醫王令我今日身病得瘥唯願如來以本願力哀憐攝受施與法藥祛我心病所有重障消滅無餘爾

時佛告彼比丘曰我今爲報汝昔深恩復爲開演苦集滅道四聖諦法示相勸修作證圓滿即時獲得阿羅漢道三明六通具八解脫時天帝釋及諸大衆聞是說已皆墮疑網今者如來枉勞神德洗病比丘瘡潰膿血復言我今爲報汝昔深恩願爲時會分別解說佛言天主乃徃古昔無量世時有一聚落名曰增廣地唯沃壤民多富樂其中所止皆上種姓尊一者年爲斷事者未久有一老優婆塞忽爲惡人橫相謀害將付囚執衆念無辜詣斷事前明察釋放當其危難即得免脫是故我今作如是說天帝當知昔斷事者豈異人乎病比丘也彼優婆塞臨難獲免今此會中我身是也是故菩薩經無量世而於小恩常思大報乃至成佛未曾廢忘時天帝釋聞佛

說已心大歡喜諸來大眾作天妓樂各還所

止禮佛而退

稱念三寶功德緣起第十二

昔者如來出現於世乃爲父王及諸大眾演說觀佛三昧法門如來具足三十二相八十種好作黃金色無量光明是時會中五百釋種觀佛身相猶若灰人羸婆羅門見已號哭自拔頭髮舉身投地口鼻吐血如來見之乃安慰曰汝勿號哭吾爲汝說過去有佛名毗婆尸入涅槃後於像法中有一長者名爲月德有五百子聰明多智世間經籍無不該練十

子其父長者信奉三寶常與諸子說佛法義諸子邪見都無信心後時諸子同遇重病父到子前泣淚含掌語諸子言汝等邪見不言佛法今爲無常利刀割切汝命須更憑何依怙今有如來名毗婆尸汝可志心稱念名號諸子聞已即依所教稱南無佛稱法及僧稱已命終由念佛故即得生於四天王天天中壽盡由彼邪見昔因緣故還墮地獄獄卒羅刹以熱鐵叉刺其眼目受是苦惱憶父所教稱南無佛以是得免從地獄出得生人中貧窮下賤後有式棄如來出世亦得值遇但得聞名不覩佛形以至毗舍浮佛拘留孫佛拘那舍牟尼佛迦攝波佛如是六佛次第出世但得聞名皆不覩見以由得聞六佛名故今得與我同生釋種我之身色如閻浮金汝見灰色羸婆羅門皆因往昔輕毀於佛深著邪見招斯重障汝今可稱過去佛名亦稱我名彌勒佛名汝父名等稱已作禮及向大眾大德僧前五體投地發露懺悔邪見之罪諸人受

教懺悔畢已宿殃消散三業清淨見佛身相作黃金色巍巍堂堂如須彌山三十二相八十種好無量光明歡喜踊躍得證初果求佛出家漸次證得阿羅漢果三明六通具八解脫佛告諸比丘我滅度後若稱我名及諸佛名所獲福報無量無邊阿難汝觀如來在路行時能使大地高處令下下處令高高下諸處悉能平正佛履涉已地相如本一切林木傾側向佛樹神現身曲躬禮敬佛經遊已林木依舊一切丘陵坑坎堆阜穢惡不淨瓦礫荆棘皆悉屏去掃洒清潔衆華布地異香芬馥又復如來足躡長陌無情土木尚皆傾奉道時於諸有情不生憍慢謙下承迎令生忻悅以是善業得成佛已情非情等於佛行時

皆悉傾側低頭禮敬我昔曾以廣大資產淨心奉施十方衆僧以是緣故我今成佛所至之處廣博嚴淨又我往昔於諸聖賢同梵行者於道路中平治洒掃房舍資具泥飾周備於一切時樂求佛道利益安樂一切衆生所至之處自然清淨又彌盧山高廣八萬四千由旬入大海中其量亦等及鐵圍山高十二萬八千由旬堅若金剛不可破壞至於如來般涅槃時無不傾側向佛作禮若欲迴避不傾側者無有是處又佛如來心淨離染所行之處足無所汙蟲蟻不損佛不著履有三種因一令行人心生少欲二現足下千輻輪相三令見者心生歡喜又佛行時其足去地離於四寸有三種因一者愍地有蟲蟻故二者護地有生草故三者顯現佛神足故汝等比

丘當如佛語依教修行得盡苦際

造塔勝報緣起第十三

佛告阿難我今於此大眾之所略說造塔所得功德汝當諦聽善思念之假使以四天下滿中所有草木叢林皆爲人身彼一人發心修行隨其所證或有獲得須陀洹果斯陀含果阿那含果阿羅漢果及緣覺果時有長者以淨施心長時供給飲食衣服卧具醫藥盡其形壽令無所乏至滅度後一一復爲起立塔廟繒蓋幢旛廣大嚴飾香華燈塗種種供養阿難是人所得福報寧爲多不甚多世尊佛言阿難此大長者雖獲其福猶有限量不如有人於佛滅後以敬慕心求一舍利至極微細如芥子許造塔供養其量正等一菴摩果塔心之木堅直如鍼上施露盤猶如聚

葉中安佛像量同麪麥或香或燈隨分供養

阿難以彼長者所作福行類修佛塔不可爲

比以要言之若以造塔所有勝報分爲百分不及其一千萬億分亦不及一乃至筭數譬喻所不能知阿難當知如來於塵沙劫積習目

熏修五分法身出生功德所謂戒分定分慧

分解脫分解脫知見分四無量心六波羅密

自利利他難行苦行不可思議神通願力世

出世間無能勝者所以者何由佛成就無量

無邊真實慧故阿難一切如來在昔因地知

衆生界自性清淨爲彼客塵煩惱所覆然彼

畢竟染汙不及是故如來出興於世爲諸衆

生說微妙法除諸垢濁令得解脫

出家功德緣起第十四

佛在世時王舍城中有一長者名曰福增年

過百歲齒衰力屈家中大小無不生厭聞說出家心生歡喜功德無量譬喻不及出家之利高於須彌深於巨海廣於虛空所以然者由出家故方得成佛三世諸佛未有不因捨家出家成佛者也是時長者來詣佛所欲求出家值佛遊化即便往至舍利弗所見其熟老不爲攝受如是徧至五百羅漢悉不肯度時彼長者即出寺外發聲大哭於是世尊從後而至種種誨喻令其心悅即語目連收其出家與受其戒乃爲新學小比丘輩常生調戲之所燒亂便自溺水欲喪身命目連觀見即以神力接置岸上因問其故具如上說此人愚鈍瞋恚若斯不以三塗報應之怖而攝化之無由得道時彼目連欲乘空行乃令專意執袈裟角漸次遊歷到大海邊見有新斃

端正婦人便有一蟲從其口出而從鼻入復從眼出從耳而入目連見已捨之而去弟子白言此是何人師曰此是舍衛城中大商之婦自恃顏貌不修福業承夫寵念損害一切偕行至此沒水而終海不納屍漂出在岸猶愛故身作此蟲耳後入地獄受諸苦報漸次前行見一女人自泥大鑊水滿火然脫衣入中皮肉各離吹骨在外尋復成形自取其肉而敢食之福增白師此是何人師曰舍衛城中有優婆塞崇重三寶請僧供養常造美饌遣婢送之每至屏處選好先食大家察問汝無竊食婢言比丘食訖有殘與我我得食之若我先食願於後世自食身肉以是因緣先受華報果在地獄次復前行見一骨山其量高廣七百由旬障其日光使海陰黑是時目

連登此山上有大肋骨往來經行福增白師  
此何骨山汝欲知者即是汝之故身骨也福  
增聞已身毛恐聳惶怖流汗和尚言聞我  
今者心未摧裂願時爲說本末因緣目連告  
曰生死輪轉無有邊際善惡業報影響無差

昔過去世此間浮提有一聚落民物富盛時  
有長者名曰法增宗族已來篤信三寶好行  
仁惠不傷生命居人推之以爲令長數十年  
間民物安泰咸賴其德如已之父時彼令長  
或因閑暇習其博奕惡友得便而親輔之授  
右二彼邪說廢其政事未久境內強惡恣橫按訟  
交舉刑罰不中忽偶一時吏呈欵實適值令  
長博奕不勝無暇顧覽盡令處死來日乃問  
諸軍吏曰罪人何所答以戮竟令長聞已悶  
絕躋地水洒乃蘇垂淚而言親愛珍寶悉皆

住此唯我一人獨入地獄而我今者率易殺  
人當知即是旃陀羅類作是念已尋便命終  
生大海中作摩竭魚其身長大七百由旬佛  
言目連若諸官屬自恃威勢枉剗民物殺戮  
無數命終多墮摩竭大魚爲諸小蟲而食其  
軀身痒楷山蟲血汙海流將百里水皆紅赤  
彼魚一眼經于百歲睡起吸水如注大河爾  
時適有衆商採寶值魚張口船趣如飛將入  
魚腹賈人悲號一時同聲稱南無佛魚聞佛  
名閉口水止由佛慈護衆商得活時摩竭魚  
忍渴而死有諸夜叉羅刹水神競拽魚身出  
置海岸爾時尊者大目乾連將其弟子福增  
比丘遊行畢已還至佛所頭面作禮歡喜無  
量深悟生死無常苦空盡諸有結得羅漢果

菩薩本生鬘論卷第四

音釋